



Inatsisartunut Ilaasortaq Hans Enoksen, Partii Naleraq.
Inatsisartut Allattoqarfiat
-/Maani

Ingerlatseqatigiiffinni Namminersorlutik Oqartussanit pigineqartuni sillimmasiinermit akiliutaasartut pillugit § 37 malillugu apeqqut nr. 098-imut akissut.

22-04-2015
Suliap normua. 2015-114170
All. normua. 1940685

Asasara Hans Enoksen

Ingerlatseqatigiiffinni Namminersorlutik Oqartussanit pigineqartuni sillimmasiinermit akiliutaasartut pillugit Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutit uannut akineqartussanngortinneqarsimapput.

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutigisavit akineqarnissaannut ingerlatseqatigiiffinnit pineqartunit ilanngussassanik pissarsiniartoqarpoq. Apeqqutigineqartunut akissutikka ataani tulleriarlutik allassimapput.

1. Royal Greenland-ip nunatsinni ingerlatai kilisaataatai fabrikkitaalu ilanngullugit ukiumut qanoq annertutigisumik sillimmasiinermit akiliuteqartarpat?

Akissut:

Royal Greenland A/S paasissutissiivoq suliffeqarfissuup suliffeqarfik March sillimmasiisarnermit akunnermiliuttartussatut isumaqatigiissuteqarfigisimagaa ingerlatseqatigiiffiup ajutoorutaasinnaasunik aqutsineranut naapertuuttumik sillimmasiisarnermit isumaqatigiissuteqartoqartarnissaa qulakkeerniarlugu. Sillimmasiisarnermik suliassat akuttunngitsunik suliariumannittussarsiuunneqartarput sapinggisamik pitsaasunik atugassaqartitaalluni sillimmasiisoqartarnissaa qulakkeerniarlugu. Kalaallit Nunaanni Royal Greenlandip suliffissuaataanut kilisaataataanullu sillimasiissutigalugit ukiumut 8,8 mio. koruunit taakkunungalu ilaallutik illuut, maskiinat, atortut, kilisaatit umiarsuillu. Royal Greenland paasissutissiivoq sillimmasiisarnermit tunngatillugu suleqatigiilernikkut iluaqutaasinnaasut paasiniarlugit sillimmasiisarnermi pissutsit pillugit ingerlatseqatigiiffinnik allanik Namminersorlutik Oqartussanit pigineqartunik oqaloqateqartarnissartik sulissutigilersimallugu.

Maannakkut piffissami sillimmasiinermit isumaqatigiissuteqarfiusumi suliffissuit kilisaatillu pillugit sillimmassiissutit akilerneqarput ingerlatseqatigiiffinnut ukununga: Codan, If Skadeforsikring, Tryggingarfelagid Føroyar, UNIQA, W.R. Berkley aamma Tryg Forsikring.

Royal Greenland A/S-imit paasissutissiissutigineqartunut taakkununga ilanngussassaqaanngilanga.

2. KNI A/S, Pilersuisoq A/S Polaroil A/S-ilu ilanngullugit qanoq annertutigisumik ukiumut sillimmasiineranut akiliuteqartarpa?

Akissut:

KNI A/S paasissutissiivoq, KNI A/S-ip sillimmasiissutai KNI A/S-imi ataatsimoortitaasut taamaammallu KNI A/S-imit, Pilersuisumut Polaroilimullu sillimmasiissutit immikkoortitat paasissutissiissutigineqarsinnaangitsut. (Pilersuisoq Polaroililu namminersorlutik aktiaateqarluni ingerlatseqatigiiffiunngillat, kisiannili ilaallutik niuerneranut immikkoortortaqarfiullutik). Ukiumi naatsorsuuteqarfiusumi kingullermi sillimmasiineranut akiliutit tamarmiusut KNI A/S-imit akilerneqartut 6.622.475 koruuniupput. KNI A/S ullumikkut sillimmasiisarfinnut ukununga sillimmasiissutinik akiliuteqartarpoq: IF Skadesforsikring, Codan, SKULD, Gensidiges, Risk Point aamma First Marine Insurance.

KNI A/S-imit paasissutissiissutigineqartunut taakkununga ilanngussassaqaqanngilanga.

3. Tele Greenland A/S-i nunatsinni ukiumut qanoq annertutigisumik sillimmasiineranut akiliuteqartarpa?

Akissut:

TELE-POST 2014-imi sillimmasiissutinut katillugit 2,9 mio. koruuninik aningaasartuuteqarsimavoq TELE-POST-illu ingerlatseqatigiiffiit uku atugarisarpai: Codan Forsikring A/S, QBE Insurance, Gjensidige Forsikring A/S, AIG Europe Limited, If Skadesforsikring A/S, First Marine A/S.

Tele Greenland A/S-imit paasissutissiissutigineqartunut taakkununga ilanngussassaqaqanngilanga.

4. A/S INI nunatsinni ukiumut qanoq annertutigisumik sillimmasiineranut akiliuteqartarpa?

Akissut:

INI A/S paasissutissiivoq, INI-p nammineq sillimmasiisarneranut aningaasartuutit 2014-imi 814.086 koruuniusimasut. Sillimmasiissutit tamarmik maannakkut Tryg-imiupput eqqaassanngikkaanni Professionelt Ansvar (215.331 kr.) HDI-Gerling-imiittoq aamma Angalanermut sillimmasiissutit (21.962 kr.) Europæiske Rejseforsikring-imi sillimmasiissutigineqarsimasut.

INI A/S-imit paasissutissiissutigineqartunut taakkununga ilanngussassaqaqanngilanga.

5. Illuut A/S-i nunatsinni ukiumut qanoq annertutigisumik sillimmasiineranut akiliuteqartarpa?

Akissut:

Illuut A/S paasissutissiivoq, Illuut A/S-ip sillimmasiissutit illunut Illuut A/S-ip kisimiilluni pigisaanut tunngasut naatsorsorsinnaagai. Illuut Illuut A/S-ip piginneqataassutitigut piginneqataaffigisai (inissiat nammineq pigisat) paasissutissanut kinguliiniittunut ilaangillat, sillimmasiisarnermummi aningaasartuutit piginneqatigiit peqatigiiffiannit akilerneqartarmata.

Illuut A/S ukuninnga sillimmasiisimavoq:

Sillimmasiineq	Sillimmasiisarfik	Sillimmasiissutit, kr.
Pisortat siulersuisullu akisussaaffiit	HDI-Gerling Forsikring	39.632,76
Isumaqatigiissuteqarluni sulianut sillimmasiissutit	TopDanmark	129.925
Biilinut sillimmasiissutit	Kalaallit Forsikring	8.725
Illuutitut sillimmasiissutit	Kalaallit Forsikring	672.641

Illuut A/S-imit paasissutissiissutigineqartunut taakkununnga ilanngussassaqaqqanngilanga.

6. Air Greenland-i nunatsinnut qanoq annertutigisumik sillimmasiinermit akiliuteqartarpa?

Akissut:

Air Greenland A/S paasissutissiivoq Air Greenland sillimmasiissutininik pisisarnermut allanullu tamanut niuernerpalaartumik periaaseqartoq ingerlatseqatigiiffik sapinngisamik annertunerpaamik iluaquserniarlugu taamaaliornikkullu unammillersinnaassuseqarnerup qulakkeernissaanut iluaqusiiniarluni. Taamaammat naleqqutissanngilaq sillimmasiisarnermut aningaasartuutit akissummut tamanit pissarsiarineqarsinnaasumut sukumiisumik ilaatissallugit. Ilaatigut tamatumunnga pissutaavoq ataatsimoorluni suleqatigiinnikkut isumaqatigiinniutigineqartarmata, ingerlatseqatigiiffiit suleqatigisallu allat ilaaffigisaannik taamatullu unammilleqatigiinneq sillimmasiisarfinnilu niuernermit neqeroorutit sianigisariaqarmata.

Ingerlatseqatigiiffik timmisartuussinermi ingerlatseqatigiiffittut sillimmasiissutininik annertuunik pisiaqartarpoq amerlanerpaartaat immikkuullarilluinnartunik Kalaallit Nunaanni pisiarineqarsinnaanngitsunik.

Ingerlatseqatigiiffiup nunami sulianut sillimmasiissutaanut sillimmasiissutininut akunnermiliuttartut suliffeqarfiat Willis atorneqartarpoq sillimmasiissutillu sillimmasiisarfinnik ingerlatseqatigiiffinnut ilisimaneqartunut inissinneqartarlutik, ilaat ataasiakkaat Kalaallit Nunaanni immikkoortortaqaqarfilinnut soorlu Codan. Ingerlatseqatigiiffiup sillimmasiissutaanit 15 %-init annikinnerusut, sillimmasiissutininut akiliutaasartunut agguarlugit, Kalaallit Nunaanni sillimmaserineqarsinnaasutut nalilerneqarput.

Air Greenland A/S-imit paasissutissiissutigineqartunut taakkununnga ilanngussassaqaqqanngilanga.

7. Arctic Umiaq Line A/S-i nunatsinni qanoq annertutigisumik sillimmasiinermit umiarsuaatiminullu akiliuteqartarpa?

Akissut:

Arctic Umiaq Line Namminersorlutik Oqartussanit pigineqaqqanngilaq taamaammat apeqqut akineqassanngilaq.

8. Royal Arctic Line A/S-i nunatsinni ingerlataminut umiarsuaatiminullu sillimmasiinermit qanoq annertutigisumik akiliuteqartarpa?

Akissut:

Royal Arctic Line A/S paasissutissiivoq ingerlatseqatigiiffiup ukiumut 14,9 mio. koruunit missaat ukiumut tamakkerlugit sillimmasiissutinut akiliutigisarai. Taakkunanga 62 %-it missaat IF forsikringimut sillimmasiissutinut isumaqatigiissutinut tungapput allallu 38 %-it Danmarkimi nunanilu allani ingerlatseqatigiiffinnut arfinilinnut agguarsimallutik.

Royal Arctic Line A/S-imit paasissutissiissutigineqartunut taakkununga ilanngussassaqaqanngilanga.

9. Mittarfeqarfiit nunatsinni ukiumut qanoq annertutigisumik sillimmasiinermit akiliuteqartarpa?

Akissut:

Mittarfeqarfiit Nukissiorfiillu Kalaallit Nunaanni Namminersorlutik Oqartussanit killilimmik aquaallutik ingerlatseqatigiiffiupput. Taamaamat ingerlatseqatigiiffiit killilimmik aquat Namminersorlutik Oqartussat sillimmasiisarnermik aaqqissuussinerit atatinneqarput.

Taamaamat ingerlatseqatigiiffiit killilimmik aquat taakku marluk assersuutigalugu AES-imut (Arbejdsmarkedets Erhvervsygdomsring), Sulisilluni ajoqusernissamut sillimmasiisarfimmut angalanermilu sillimmasiisarnermut qitiusumit akilikkanut ilaapput. Ingerlatseqatigiiffiit killilimmik aquat sillimmasiissutit tamakku akilerneqartarnerannut annertussusilikkanik akileeqataasanngillat.

Konto pingaarneq 70.10.03-kkut, Sillimmasiinerit, illuutitut, akunnermiliuttunut aningaasartuutitut allanullu sillimmasiissutinut aningaasartuutit akilerneqartarput. Namminersorlutik Oqartussat Gjensidige Forsikringimi sillimmasersimapput. Suliffeqarfiit killilimmik aquat aningaasartuutit tamakku akilerneqartarnerannut akileeqataasarpup. Aningaasartuutit agguanneqartarnerannut tungavigineqartarput pigisat nalillit annertussusii suliffeqarfiillu killilimmik aquat ajutoorutigisinnaasaasa qanoq issusii.

2014-imi Mittarfeqarfiit 2.243.971 koruuninik kontomut tassunga illuutitut sillimmasiissutitut akunnermiliuttunullu aningaasartuutitut akileeqataapput.

2014-imi Nukissiorfiit 13.632.451 koruuninik kontomut tassunga illuutitut sillimmasiissutitut akunnermiliuttunullu aningaasartuutitut akileeqataapput.

Namminersorlutik Oqartussat sillimmasiisarnermut akunnermiliuttuat Willis I/S paasissutissiivoq Nukissiorfiit tamakku saniatigut 2014-imi sillimmasiissutit immikkoortut makku akilersimagaat:

Nukissiorfiit			
Sillimmasiissutit issusia	qanoq	Sillimmasiisarfik	Sillimmasiissutit, kr.
Qamutitut motoorilinnut sillimmasiissutit		Gjensidige Forsikring	1.041.818
Isumaqatigiissuteqarluni sulianut sillimmasiissutit		Gjensidige Forsikring	29.003

Akisussaaffinnut sillimmasiissutit	Gjensidige Forsikring	178.783
Angalanermut sillimmasiineq	Gouda	29.137

Mittarfeqarfiit aamma Namminersorlutik Oqartussat sillimmasiisarnermut akunnermiliuttuat Willis I/S paasissutissiivoq Mittarfeqarfiit tamakku saniatigut 2014-imi sillimmasiissutit immikkoortut makku akilersimagaat:

Mittarfeqarfiit		
Sillimmasiissutip qanoq issusia	Sillimmasiisarfik	Sillimmasiissutit, kr.
Qamutinuut sillimmasiissutit	motoorilinnut Gjensidige Forsikring	1.641.753
Akisussaaffinnut sillimmasiissutit	Gjensidige Forsikring	21.475
Assartuineranut sillimmasiissutit, aningaasanngorlugit	Gjensidige Forsikring	17.290
Assartuineranut sillimmasiissutit, nioqqutissat allat	CNA	33.000
Mittarfeqarfimmi akisussaaffimmut sillimmasiissutit	AIG	485.625
Loss of Licence	Zurich Insurance	53.874
Imarsiornermut sillimmasiissutit	atortunullu Gjensidige Forsikring	180.736

Ataatsimut oqaatigineqarsinnaavoq Mittarfeqarfiit sillimmasiissutinut 4.677.724 koruuninik aningaasartuuteqarsimasut Nukissiorfiillu sillimmasiissutinut 14.911.192 koruuninik aningaasartuuteqarsimallutik.

10. Nukissiorfiit nunatsinni ukiumut qanoq annertutigisumik sillimmasiineranut akiliuteqartarpa?

Akissut:

Apequtigineqartumut 9-imut akissutigineqartut takukkit.

11. Namminersorlutik Oqartussat suliffeqarfiutaasa qulaani taakkartorneqartut sillimmasiineranut akiliuteqaraangamik sillimmasiisarfinnut sorlernut akiliuteqartarpa?

Akissut:

Apequtinut 1-9-mut akissutit takukkit.

Neriuppunga apequtigineqartunut akissutikka naammaginartissagitit.

Inussiarnersumik inuulluaqqusillunga



Kim Kielsen